

ЯНГИ ҲАЁТ УЧУН, ЯНГИ ЎЗБЕКИСТОН УЧУН!

Тирик, мағрур, ҳақ сўз қуролимиз бўлсин!



Ватан ягонадир,
Ватан биттадир

2023 йил—Инсонга эътибор ва сифатли таълим йили
Ассалому алайкум, азиз муштарий!

ЎСТИҚВОЛ ҲОҲИ

Қўштепа туманининг ижтимоий-сиёсий, маънавий-маърифий газетаси

1943 йил 6 мартдан чиқа бошлаган

www.istiqbolyuli.uz

istiqbol.43@umail.uz

2023 йил 19 октябрь № 40 (8482)

Муҳим ахборотлар

Ўзбекистон Республикаси Президенти Шавкат Мирзиёев Хитой Халқ Республикаси Раиси Си Цзиньпиннинг тақлифига биноан амалий таширф билан ишбу мамлакатга жўнаб кетди. Таширф дастурига мувофиқ, давлатимиз раҳбари Пекин шаҳрида "Бир макон, бир йўл" учинчи халқаро форумида иштирок этади. Шунингдек, ХХР Раиси Си Цзиньпин ва Хитой Халқ сиёсий маслаҳат кенгаши раиси Ван Хунин билан музокаралар, бошқа икки томонлама учрашувлар ўтказиш режаси лаштирилган.

Ўзбекистон Республикаси Президенти Шавкат Мирзиёев 17 октябрь кун Хитойга амалий таширф доирасида Вьетнам Социалистик Республикаси Президенти Во Ван Тхионг билан учрашди.

Ўзбекистон 2020 йилга бориб хоризлик сайёҳлар сонини йилга 15 миллионга етказди. Бу ҳақда Ўзбекистон Президенти Шавкат Мирзиёев Самарқандда Бутунжаҳон сайёҳлик ташкилоти Бош ассамблеяси 25-сессияси очилишида маълум қилди, дейилди Қозоғистоннинг "Казинформ" агентлиги эълон қилган мақолада.

"ПАХТА ШАҲИ" ХАБАР ҚИЛАДИ



Туманимиз пахтакорлари кластер хирмонига 24 минг тоннадан ортиқ қимматбаҳо саноат хом ашёси топшириб, контракция шартномасини бажардилар. Бу, чигит экилган минг гектар майдоннинг ҳар гектаридан 35,7 центнердан хирмон кўтарилди, ҳосилдорлик ўтган йилдагидан 2 центнерга юқори бўлди, демакдир. Далаларда сўнгги ҳосилни йиғиштириб олиш давом этмоқда.

Мамлакатимизда 25 октябрдан 1 декабргача муддат кузги ниҳол экиш мавсуми деб эълон қилинди

ХОНАДОН, МАҲАЛЛА, МЕҲНАТХОНАЛАРИМИЗНИ ЯШИЛ МАКОНГА АЙЛАНТИРАЙЛИК!

Туман маҳалла фаоллари, нуронийлар, зиёлилар, хотин-қизлар ва ёшлар вакилларининг барча қўштепаликларга мурожаати

АЗИЗ ҚЎШТЕПАЛИКЛАР!

Муҳтарам Президентимизнинг алоҳида эътиборлари ҳамда ташаббуслари билан мамлакатимиз шаҳар ва қишлоқларини кўкаламзорлаштириш, дарахт ва буталарни муҳофаза қилиш ҳамда яшил майдонларни кенгайтириш борасида кенг кўламли ишлар олиб борилмоқда.

"Авлодларимиз биздан кейин ҳам муносиб табиий муҳитда яшаши керак" деган ғояни илгари сурган Давлатимиз раҳбари, табиатга эътибор беришни, бу масалада фақат бугунни эмас, яқин ва узоқ келажакни ўйлаб иш олиб боришни, ёш авлод қалбида она табиатга дахлдорлик ҳиссини тарбиялашни таъкидлаб келмоқдалар.

Икки йил аввал юртимизда бошланган "Яшил макон" умуммиллий лойиҳаси ҳам ана шу эзгу мақсадлар йўлидаги сайъ-ҳаракатлар мақсадини кўзлаб, майдонга чиққан.

Президентимиз Шавкат Мирзиёев жорий йил 11 октябрда ўтказган видеоселектор йиғилишида ҳам мазкур масала бўйича бир қатор муҳим тақлифлар белдириб, устувор вазифаларни белгилаб бердилар. Жумладан, **25 октябрдан 1 декабрга қадар юртимизда "кузги дарахт экиш мавсуми" эълон қилинди.**

Жорий йилнинг баҳор мавсумида "Яшил макон" лойиҳаси доирасида туманимиз бўйлаб жами 550 минг дона манзарали ва мевали кўчатлар ҳамда қаламчалар экилган бўлса, куз мавсумида 6 турдаги 386 минг дона манзарали, мевали дарахт ва бута кўчатлари ҳамда қаламчалар экиш белгиланган.

Қўштепаликлар азалдан деҳқончиликда миришкор саналган. Она замин ва табиатни қадрлаш, ҳар бир қарич ердан унумли фойдаланиш ҳамда боғу-бўстон яратиш, шириндан-шакар мева ва сабзавотлар етиштириш билимлари бизга аждодларимиздан ўтиб келаётган меросдир. Қўштепанинг ҳеч бир кўчаси, ҳеч бир хонадони йўқки, у ерда дов-дарахтлар, мевали ва манзарали кўчатлар, сабзавот экинлари парваришланмаётган бўлса. Ҳамқишлоқларимиз ер билан тиллашиб, экин билан гаплашиб, қачон қандай деҳқончилик қилиш керак, қайси ниҳолга қанақа парвариш зарурлигини жуда яқин билдилар.

Барча қўштепаликларни **"Янги Ўзбекистон – яшил маконда бирга яшайлик!"** деган олижаноб



ғояни қўллаб-қувватлашга, бу умуммиллий ҳаракатнинг натижасини ҳар бир хонадон ва маҳаллада кўрсатиб, бу ишда қалб амри билан иштирок этишга чақирамиз. Барчамиз бир ёқадан бош чиқариб, фидойилик билан ҳаракат қилсак, энг аввало Президентимиз бошлаган эзгу ташаббусни туманимизда намунали қилиб бажариш асносида юртимизнинг мусавво ҳавосига, экологик тозаллигига, озиқ-овқат хавфсизлигига, халқимизнинг кайфиятини кўтаришга ўзимизнинг муносиб ҳиссамизни қўшамиз.

Бунда Сиз, барча даражадаги раҳбарлар, маҳалла фаоллари, зиёлилар, она заминимизнинг, тоза ҳаво ва экологик мувозанатнинг қадрини ҳаммадан ҳам яқин биладиган, кўпни кўрган нуронийлар, санъаткор ва спортчилар, журналист ва блогерларни эзгу мақсад йўлида бошланган ҳаракатда фаол иштирок билан баробардир. Шундай экан, қиладиган даъватингиз орқали алоҳида ўрнатилган кўрсатишнингизга ишонамиз.

ҚАДРЛИ МАҲАЛЛА ФАОЛЛАРИ, КЎЧАБОШИ ВА МАҲАЛЛА ОҚСОҚОЛЛАРИ!

Айни вақтда, айрим маҳаллаларда, кўча ва гузарларда бўш турган, дарахт экилмаган жойлар бор. Бир қарич ер ҳам бизга Аллоҳ томонидан берилган энг улғу неъмат. Унинг бўш туриб қолиши исроф қилиш билан баробардир. Шундай экан, кафтдек ер ҳам бўш туриб қолишига йўл қўймайлик. Она заминимизнинг ҳар қаричини боғ-роғларга айланттиришда маҳалла аҳлининг ҳамжиҳатлигини кучайтириш, ҳудуд ободлиги ва аҳоли фаровонлигига хизмат қиладиган лойиҳаларни кенгайти-

ришдан иборатдир. Бунинг учун ҳар бир маҳаллада "маҳалла боғлари"ни яратишимиз, яшил ҳудудларни кўпайтиришимиз, шахсий намуна сифатида дастлаб ўз хонадонимиз ва кўчамизни обод қилишимиз, "Яшил макон" умуммиллий лойиҳасига ўз ҳиссамизни қўшишимиз зарур.

Экилган ҳар бир ниҳолни парваришлаш ва сақлашда маҳалла фаоллари, барча масъуллар жонбозлик кўрсатиши лозим. Бунинг учун "маҳалла еттилиги", кўчабоши ва маҳалла оқсоқоллари ҳамда хонадон эгаларининг жонбозлиги, ташкилотчилиги жуда муҳимдир.

МУҲТАРАМ НУРОНИЙ ОТАХОН ВА ОНАХОНЛАР!

Сизларнинг ҳаётини тажрибангиз, дуо ва тилакларингиз халқимиз учун ҳамшиша катта таянч ва суянч бўлиб келмоқда.

Туманимиздаги 19 мингга яқин нуронийлардан маҳаллаларда "Яшил макон" умуммиллий лойиҳасини амалга оширишда, аҳоли томонидан кўчат экиш ишларини намунали ташкиллашда янада фаоллик ва ташаббус кутиб қоламиз. Сизларнинг шахсий намунангиз, бой тажрибангиз, панду-насихат, тавсия ва кўрсатмаларингиз биз учун йўлчи юлдуз бўлиб хизмат қилади.

Нуронийларимизнинг ҳар бири бир тупдан кўчат экса, 19 минг янги ниҳол экилиб, дарахт пайдо бўлади. Ёки ҳар бири ўз ёнига фарзанд-бираларини жалб қилса, бу рақам бир неча баробарга ошади.

МУЎТАБАРА ОНАЛАР, АЗИЗ ОПА-СИНГИЛЛАР!

Хонадонимиз, маҳалламиз файзу таровати сиз биландир! Табиат ҳам она каби муқаддас. Бежиз сизу биз яшаётган

Давоми 3-бетда

УШБУ

2

Туманимиз пахтакорларининг катта ғалабаси

СОНДА:

* Машаққатнинг «меваси» ширин бўлади

3

* Япониялик ҳамкорлар туманимизда

* Kimlar o'qituvchilikka qabul qilinadi?

4

Маънавият

* Ҳадислар

* Аҳли дониш дейдиларки...

* Сайфиддин Муҳаммад Фарғоний

Туманимиз пахтакорларининг катта ғалабаси

Гарчи мамлакатимизда пахта яккахожимлигига алақачон барҳам берилган бўлса-да, бу хом ашёни етиштириш энгил ва тўқимачилик, озиқ-овқат саноатини ривожлантиришнинг асосий манбаи бўлиб қолаверади. Шунинг учун ҳам барча қишлоқ туманларида пахта етиштиришни такомиллаштириш, ҳосилдорлигини ошириш, тизимга замонавий технологияларни олиб киришга алоҳида эътибор берилмоқда. Давлатимиз раҳбари Шавкат Мирзиёевнинг ташаббуслари билан пахтачиликка тараққиёт тақозоси билан инновация—кластер тизимининг жорий этилгани соҳадаги оқсоқликка барҳам берди. Ўзини қисқа даврда оқлаган бу тизим Ўзбекистонни дунёнинг етакчи хом ашё базасидан энгил саноати ривожланаётган мамлакатлар қаторига олиб чиқмоқда. Демакки, пахтаимиз мамлакатимизнинг миллий бойлиги, тараққиётимизнинг ажралмас қисми бўлиб келди ва шундай бўлиб қолади.

Пахтачилик деҳқончиликнинг энг кўп меҳнат-машаққатни талаб қиладиган тармоғи ҳисобланишини барчамиз яхши биламиз. Яқин ўтмишда, тоқолоқдан тортиб, айниқса, пахта йиғим-терими жараёнларида ўқитувчи-ю шифокор, ўқувчи-ю талаба, нафақат қишлоқ аҳли, балки бутун шаҳарликлар ҳам мажбурий меҳнатга сафарбар этиларди. Пахта етиштириш учун йил—ўн икки ой меҳнат қилган деҳқон аксарият ҳолларда ғалвир сувдан кўтарилганда қарздор бўлиб қолган даврлар кўп бўлган.

Шуқрки, соҳада амалга оширилган чуқур ислохотлар натижасида деҳқоннинг кўксига ҳам офтоб теғди. Энг муҳими, ижтимоий соҳа вакиллари, болалар меҳнат жойларига, дарсхоналарига қайтарилди. Ер ўз эгасини топиб, кимёвий воситалардан хориган тупрокни соғломлаштиришга эътибор қаратилгани, инновация шарофатидан ҳосилдорлик йилдан-йилга ортиб, меҳнат унумдорлиги кескин кўтарилди. Мана беш йилдирики, пахтакорларимиз "Fergana Global textile" МЧЖ кластери билан тузилган шартномадаги хом ашёни етказиб бериб, яхшигина даромад қилмоқдалар.

Саратон чилласидаги аномал иссиқни ҳисобга олмаганда, бу йил об-ҳаво деҳқончилик, хусусан пахтачилик учун анча қулай келди, айниқса, ҳосил йиғим-терими даврида. Фермер хўжаликлари ва кластер ихтиёридаги 6890 гектар ер майдони ҳисобига қўштепалик пахтакорлар ўз аъзолари, маҳаллалардан чиққан кўнгилли хашарчилар ёрдамида 24 минг тонна қимматбаҳо саноат хом ашёсини йиғиштириб олиб, нафақат шартнома режаси, балки мажбуриятини ҳам зиёди билан ўринлатдилар. Бу, туман бўйича ҳар гектар ҳисобига 35,7 центнердан ҳосил етиштирилди, ҳосилдорлик бултурги кўрсаткичдан 2 центнердан кўпроққа ортиқ бўлди, демакдир. Пахта эккан 149 та фермер хўжалиги ва кластер бўлими аъзолари маррани шараф билан эғалладилар.

Бундай натижага ўз-ўзидан эришилгани йўқ, албатта. Президентимизнинг шахсан талаб ва кўрсатмалари асосида кластернинг масъулият билан иш юритиши натижасида мавсум давомида талаб этилган маблағ

МАШАҚҚАТНИНГ "МЕВАСИ" ШИРИН БЎЛАДИ

ва моддий ресурслар ўз вақтида ажратилиши ва дала бошига, меҳнат аҳлига муддатига етказилиши муваффақиятларнинг омили бўлди, десам ҳақни айтган бўламан. Ерни экишга тайёрлашдан бошлаб ҳар гектар майдон ҳисобига маҳаллий ва минерал ўғитларнинг солинишини доимий назоратда тутгани, вегетация даврида ғўзаларни озиқлантириш, маромида суғориш, қатор ораларига ишлов бериш ишлари отряд усулида ташкил этилгани айни муддао бўлди. Ғўза зараркунандалари ва касалликларига қарши кураш тадбирлари талаб этиладиган кимёвий воситалар захираси кластер томонидан мавсум бошидаёқ яратиб қўйилди ва улардан ўз вақтида фойдаланган хўжаликлар доғда қолмади.

Далаларда қутилганидан зиёда ҳосил бунёд этилди. Энди асосий мақсад машаққатли меҳнат ва катта харажат билан етиштирилган неъматни ёғин-сочинли кунларга қолдирмай, уюшқоқлик билан саранжомлаб олишда қолди. Туман ҳокимлигида ташкил этилган "пахта штаби" ҳосилни фермер хўжаликлари ишчилари, маҳаллаларнинг уюшмаган кўнгилли аҳолиси иштирокида "отряд" усулида йиғиб-териб олиниши, теримчи ва хашарчиларга қулай меҳнат ва маиший шароит яратиб берилишига алоҳида эътибор қаратди.

Бу йилги мавсумда туманимиз вилоятда биринчи бўлиб пахтани энг замонавий қудратли машиналарда териб олишга киришганига гувоҳ бўлдик. Пахта машина теримига мос қилиб етиштирган кластер далаларида иккита, "Абдуллажон-2" фермер хўжалигида битта қудратли терим машиналари кучи билан умумий хирмонимизнинг қарийб 1000 тоннаси йиғиштирилиб олинди. Америкада ишлаб чиқарилган "Жондер" ва "Кейс-III" агрегатларининг ҳар бири бир кунда ўрта ҳисобда 250-300 теримчи ишини удаллаши,

камхаражатлиги ҳамда сифатли териши билан жуда самарали эканини яна бир қарра исботлади. Йиғим-теримда қўл кучига эҳтиёж жуда катта бўлган бир даврда ишга туширилган бу имконият келгуси йилларда янада кенгайтирилишига умид қиламиз.

Пахтакорларимиз ниятга етиб турган дамларда йиғим-теримда улар билан ёнма-ён меҳнат қилган маҳаллалар аҳлига алоҳида раҳматимизни айтаемиз. Ўзбекнинг қадим

Бугун туманимиз пахтакорларининг юзи ёруғ бўлиб турган шу дамларда ер билан тиллашиб меҳнат қилган ва ҳосилдорликни гектарыга 40 центнердан юқори даражага кўтара олган "Абдубаннопов Муҳаммаджон" номли, "Абдасхон ота" номли, "Аҳроржон Турдалиев" номли, "Хумоюнмирзо тулпори" фермер хўжаликлари раҳбарлари, умуман, маррадан ўзиб кетган барча фермер хўжаликлари жамоа аъзоларига ҳар қанча тасаннолар айтсақ, арзий-

ди. Юқорида айтганимдек, табаррук она заманимиз ҳеч қачон фидойилик билан қилинган меҳнатни мукофотсиз

қолдирмаслигининг намунаси булар. Чиндан ҳам меҳнат-машаққатнинг меваси ширин бўлади.

Нур борки, соя бўлади, деганларидай, ернинг умрини хабада қилган фермерлар ҳам йўқ эмаслиги мавсум якунида янада аён бўлиб қолди.

"Бахт Пахтакор-Гармон", "Ж.Жаҳонов-Дўрмон" ММТП ҳудудидаги бир қатор фермер хўжаликлари контрактация шартномасини бажара олмадилар.

Раҳматжон Охунов раҳбарлик қиладиган "Файзли Муҳаммадазиз ери" фермер хўжалиги гектаридан бор-йўғи 14, 4 центнердан хирмон кўтариб, режани аранг 68,6 фоизга етказганига ачинмай бўладими?! "Маъруфжон барака файзи", "Расулбек Абдулазиззода" номли, "Янгиарик дўстлик сари", "Саид Амирхон файзли ери", "Саид Акрам Мирзо" номли, "Яхши ният Файз кўрки" фермер хўжаликларида ҳосилдорликда энг паст натижа кўрсатилди. Ерга эгалик қилмоқнинг масъулиятини ҳис қилмаслик, омилкорлик билан иш юритмаслик оқибатидир бу. Бугун айтиш қанчалар оғир бўлмасин, шартнома мажбуриятини бажаролмай, ер чишиб қолаётган ер эгаларига тегишли тартиб-тамоийлга мувофиқ муносабат билдирилади, албатта.

Қўштепа далаларида ҳали ҳосил бор. Пахтанинг мисқоли ҳам пахта. Исрофга йўл қўймаслик, келгуси муваффақият ва омадга йўлдир. Ишончимиз комилки, далалардаги сўнги мисқолларни йиғиб-териб олиб, келгуси мавсум учун юмушларга тараддуд кўраётган омилкорларнинг бундан буён ҳам эл-юрт олдида юзи ёруғ, иши баракали бўлаверади. Имкониятдан фойдаланиб, туманимизнинг ғолиб фермерлари, барча пахтакорларини, ҳиммати баланг хашарчиларини мавсумнинг улкан ютуғи билан табриқлайман. Мустаҳкам саломатлик, ғайрат-шижоат, фидойилик ҳеч қачон Сизларни тарк этмасин! Хонадонларингиздан барак-хайр аримасин!

Илёмбек НОВИКОВ,
туман ҳокими.

Жараён

"МУҚАДДАСИМ, МУНАВВАРИМ, ОНА ТИЛИМ!"



Барча жойлардаги каби туманимизда ҳам ўзбек тилига давлат тили мақоми берилганининг 34 йиллиги байрами таълим муассасалари, меҳнат жамоаларида кўтаринки кайфиятда нишонланди. "Қийқи" маҳалласидаги маданият марказида "Муқаддасим, мунавварим, она тилим!" ғояси асосида уюштирилган тантана иштирокчиларда унутилмас таассурот қолдирди. Туман ҳокимининг биринчи ўринбосари Аҳрорбек Юнусов байрам иштирокчиларини табриқлаб, ўзбек тили нуфузини кўтариш барчамизнинг муқаддас бурчимиз эканлигини таъкидлади. У ўзбек тилининг бир гуруҳ фидойи тарғиботчиларига туман ҳокимининг Ташаққурномаси ҳамда эсдалик совғаларини топширди.

Туман санъаткорларининг ўзбек тилига асос солган аждодларимиз тимсолидаги чиқишлари, мазмунли концерт дастури байрамга ўзгача руҳ бағишлади. **Ёрқиной ҚОСИМОВА**



Мамлакатимизда 25 октябрдан 1 декабргача муддат кузги ниҳол экиш мавсуми деб эълон қилинди

ХОНАДОН, МАҲАЛЛА, МЕҲНАТХОНАЛАРИМИЗНИ ЯШИЛ МАКОНГА АЙЛАНТИРАЙЛИК!

Туман маҳалла фаоллари, нуронийлар, зиёлилар, хотин-қизлар ва ёшлар вакиллари барча қўштепаликларга мурожаати

Давоми. Бошланиши 1-бетда.

олам—табиатни онага менгзамайдилар. Онани қандай эъзозласак, табиатни ҳам шундай қадрлашни фарзандларимиз онгу шуурига чуқур сингдирайлик! Токи, зурриётларимиз ота-боболаримиз сингари боғу бўстонлар бунёдкори, она табиат ҳимоячиси бўлсин! Шундагина келажак авлодимизга соф ҳаво, гўзал табиатни безавол етказишга эришамиз.

Айни вақтда Сиз, азизларнинг "Оналар – яшил макон учун" ғоясини илгари сурганингиз, у анъанага айланиб бораётгани, маҳаллаларда "Оналар боғи" ташкил этилаётгани қувонарлидир. Бу ишларда маҳаллалардаги "Оқида аёллар" ҳаракатининг ҳам муносиб ўрни борлигини ҳис қилиб турганингизга ишонамиз. Биз табиатнинг ўзидек жонкуяр ва жонсарақ оналаримиз, опа-сингилларимиздан ушбу хайрли тadbирнинг фаол иштирокчилари ва даъваткорлари бўлиб майдонга чиқишларига аминмиз.

ҲУРМАТЛИ ДЕҲҚОН ВА ФЕРМЕРЛАР, ТОМОРҚА ЕР ЭГАЛАРИ!

Ерга меҳр бериш, унинг ҳар бир қаричидан унумли фойдаланиш, кўчат экиб, боғ яратишда сизларнинг улушингиз катта. Қўштепамизда 38 мингдан ортик хонадон мавжуд. Бу савобли ишни давом эттириш учун ҳар бир хонадон эгаси ўз томорқасига, маҳалла гузари ва кўчасига 10 тупдан кўчат экса, туманимиз буйича ўрта ҳисобда 380 мингдан зиёд дарахт бунёд бўлади. Бу ҳавони мусуффолаштириш баробарида, истеъмолимиз учун соф табиий мева-чева мўллигига муносиб ҳисса қўшмоқ деганидир.

Фермерларимиз "Бир дала – бир маҳсулот" тамойили асосида ўз ҳудудига тут, ток, терак ва бошқа кўчатларни экса, ҳар бир қарич еримиз боғ-роғларга айланади.

ТУМАНИМИЗНИНГ БАРЧА ТАШКИЛОТ ВА МУАССАСАЛАРИ РАҲБАРЛАРИ, ЖАМОАЛАРИ, ТАДБИРКОРЛИК СУБЪЕКТЛАРИДА ФАОЛИЯТ КЎРСАТАЁТГАН ИШБИЛАРМОНЛАР ВА ИШЧИ-ХИЗМАТЧИЛАР!

Сиз меҳнат қилаётган объектлар ҳудудининг гул-чечакларга, мевали ва манзарали дарахтларга буркалиши аввало кайфиятнингизни кўтаради, сиз билан

Сизлар Янги Ўзбекистоннинг бунёдкор кучисиз! Халқимиз кўзлаётган юксак марраларга эришишда ақл-заковатингиз, ғайрат-шижоатингиз, она Ватанга бўлган садоқатингиз бекиёсдир. Она заманимизга меҳр беринг! Нурли келажак учун бугундан бошлаб ўз хонадонингиз, кўчангиз, маҳаллангизга гул қаламчалари, мевали ва манзарали ниҳол экинг, ҳудудда "Ёшлар боғи"ни ташкил этишда ташаббус кўрсатинг!

Асло унутманг, сиз Ўзбекистон фарзандисиз, Сизнинг ҳаракатингиз – бу ота-онангиз, маҳаллангиз, Қўштепамиз ва бутун халқимизнинг фаровон эртаси, мусуффо ҳаво учун хизмат қилади.

ҚАДРЛИ ҚЎШТЕПАЛИКЛАР!

Бутун мамлакатимиз бўйлаб давом этаётган "Яшил макон" умуммиллий лойиҳасида фаол иштирок этайлик!

Дарахт экиш ва уни парвариш, ўзимиз яшаётган масканни яшил макон, боғу-бўстонга айлантиришдек хайрли ишга астойдил бел бойлайлик! Зеро, Сиз ва бизнинг бугун эккан ниҳолимиз ўзимизнинг эртанги кунимизга, фарзандларимизнинг экологик мусуффо келажига бўлган ишончимизни мустаҳкамлайди.

Исроилжон ИСМОИЛОВ, меҳнат фахрийси, туман ҳокимининг қишлоқ хўжалик масалалари бўйича жамоатчи маслаҳатчиси.

Юсуфжон РОЗИҚОВ, фахрий муаллим Озодахон ТОШМАТОВА, фахрий шифокор. Давлатхон ЮСУПОВА, туман "Оқида аёллар" ҳаракати етакчиси.

Абдумажид УМАРҚУЛОВ, Ёшлар ишлари агентлигининг туман бўлими раҳбари

АЗИЗ ЁШЛАР!

биз нафас олаётган ҳавони тозалайди. Ток ва бошқа мевали кўчатлар экиб, парваришласангиз, ҳузурини ўзингиз кўрасиз, даромад ҳам қиласиз. Шундай йўл тутаетганларга раҳмат. Лекин бебаҳо ернинг умрини бекор ўтказаетганлар ҳам йўқ эмас. Хайрли ишга пешвоз чиқиб, биринчи декабргача давом этаётган кузги кўчат экиш ойлигида фаол иштирок этинг.

ҚАДРЛИ ЗИЁЛИЛАР!

Жонахон Ватанимиз тараққиётига ҳисса қўшадиган ташаббусларни қўллаб-қувватлашда сизларнинг фаол иштирокингиз муҳимдир. Сиз каби эл таниган ижод аҳлига, зиёлилар ҳамда спорт юлдузларига Қўштепа ёшлари ўзгача ҳавас билан қарайди. Шундай экан, туманимизда амалга оширилаётган кузги дарахт экиш мавсумида сизлардан аҳолини сафарбарликка чорлайдиган янги-янги ташаббуслар, амалий ҳаракатлар ҳамда шахсий намуна кутиб қоламиз!

Жараён



ЯПОНИЯЛИК ҲАМКОРЛАР ТУМАНИМИЗДА

Япония ҳукуматининг "Кичик миқёсли ижтимоий лойиҳаларга беғараз ёрдам дастури"да иштирок этган Иқболхон Маҳмудованинг лойиҳаси асосида 2015 йили 17-умумий ўрта таълим мактабига 106 минг 813 АҚШ доллари миқдоридан грант ажратилган ва муассаса замонавий қиёфага киритилиб, энг сунгги русумдаги техника ва технологиялар билан жиҳозланган эди. Иқболхоннинг 13- ва 35-мактабгача таълим ташкилотларини жиҳозлашга қаратилган лойиҳалари ҳам 2019 йили ва бу йил жами бўлиб 90 минг 458 минг АҚШ доллари ҳисобидан ажратилган грант асосида бугунги кун талаби даражасида жиҳозланиб, болажонлар учун қулай шароитлар яратиб берилди.



Ўтган ҳафтада дастур мутасаддилари Такита-Сато Таэ, Нана Маруяма хонимлар туманимизда бўлиб, лойиҳа ижроси ва самараси билан танишдилар. Улар билан туман ҳокими Илёмбек Новиков ва лойиҳа муаллифи учрашиб, Япония ҳукумати ва бағрикенг халқига таълимни ривожлантиришга берган беғараз ёрдам учун миннатдорлик билдирдилар.

Матн ва суратлар муаллифи: **Бахтиёржон РУЗИОХУНОВ.**

Ҳуқуқшунос минбари

КИМЛАР О'QITUVCHILIKKA QABUL QILINADI?

Kimlar o'qituvchi bo'lib ishlashi mumkin va ularning qanday huquqlari mavjud?

Ўзбекистон Республикаси Мактабгача ва Мактаб та'лими Вазирининг 2023 йил 16 августдаги "Мактабгача ва мактаб та'лими vazirligi markaziy apparati, Qoraqalpog'iston Respublikasi Maktabgacha va maktab ta'limi vazirligi, Toshkent shahar va viloyatlar maktabgacha va maktab ta'limi boshqarmalari, tumani (shahar) bo'linmalari, vazirlik tizimidagi respublika tashkilotlari va muassasalari hamda umumiy o'rta ta'lim maktabi (maktab-internat) xodimlari asosiy lavozimlarining malaka tavsiflarini tasdiqlash to'g'risida"gi buyrug'iga 4-ilova qismida umumiy o'rta ta'lim maktablari rahbar va hodimlarining malaka tasniflari keltirilgan va unga asosan:

maktabda boshlang'ich sinf o'qituvchisi bo'lib ishlash uchun talabgor boshlang'ich ta'lim ixtisosligi bo'yicha kamida o'rta maxsus pedagogik ma'lumot yoki kamida

bakalavr darajasidagi oliy ma'lumot va boshlang'ich ta'lim ixtisosligi bo'yicha dars berish huquqi bilan kasbiy qayta tayyorlov kursini tugatgan bo'lishi kerak.

Fan o'qituvchisi bo'lib ishlash uchun esa talabgor fan yo'nalishiga to'g'ri keluvchi kamida bakalavr darajasidagi oliy pedagogik ma'lumot yoki kamida bakalavr darajasidagi oliy ma'lumot va fan yo'nalishiga to'g'ri keluvchi dars berish huquqi bilan kasbiy qayta tayyorlov kursini tugatganligi yohud fan yo'nalishiga (xususiyatiga) to'g'ri keluvchi kamida bakalavr darajasidagi oliy ma'lumot va pedagogik faoliyat yuritish huquqi bilan qayta tayyorlov kursini tugatgan bo'lishi kerak.

Ayrim fanlar chuqur o'rganiladigan ixtisoslashtirilgan maktablar hamda maktab-internatlarning ixtisoslashtirilgan fan o'qituvchisi esa kamida 1-malaka toifaga ega bo'lishi kerak bo'ladi. Mutaxassislik (oliy pedagogik ma'lumotga egalik afzallik beradi.)

Shuningdek, O'zbekiston Respublikasi Vazirlar Mahkamasining 2005 yil 21 dekabrda "Xalq

ta'limi xodimlari mehnatiga haq to'lashning takomillashtirilgan tizimini tasdiqlash to'g'risida"gi qaroriga 3-Ilova — xalq ta'limi xodimlari mehnatiga haq to'lash to'g'risida NIZOMning 8-bandida oliy ta'lim muassasasining kunduzgi, kechki, sirtqi ta'lim shakllarining pedagogika yo'nalishlarida o'qiyotgan shaxslar 3-kursdan boshlab o'qishiga xalaqit bermagan holda pedagoglik ishini amalga oshirish uchun umumta'lim muassasalarida asosiy ish joyi sifatida ishga qabul qilinishi mumkin va ularga o'rta maxsus, kasbiy ma'lumotga ega bo'lgan tegishli lavozimdagi xodimning bazaviy tarif stavkasi singari bazaviy tarif stavkasi belgilanadi, deyilgan.

Ushbu Nizomning 20-bandida o'qituvchilarning tarifkatsiya ro'yxati asosida ularga bir yarim stavka miqdorigacha belgilangan dars soatlarining bir stavkadan ortiq bo'lgan qismi bo'sh ish o'rinlari sifatida qayd etilmasligi, 21-bandida esa pedagog xodimlarga qonunchilik hujjatlarida belgilangan ustamalar, shu jumladan mavjud sertifikatlari

uchun to'lanadigan ustamalar, tarifkatsiya ro'yxatida ajratilgan dars soatlariga (o'qituvchining tarif stavkasiga) mutanosib ravishda to'lab berilishi ko'rsatib o'tilgan.

O'zbekiston Respublikasi Vazirlar Mahkamasining 2021 yil 19 maydagi qaroriga asosan 2022/2023 o'quv yilidan boshlab, davlat ta'lim muassasalarining xorijiy tillar o'qituvchilari lavozimlariga ishga yangi qabul qilinayotgan talabgor kamida B2 darajadagi milliy yoki unga tenglashtirilgan mos darajadagi xalqaro sertifikatga ega bo'lishi va 2024/2025 o'quv yiliga qadar umumiy o'rta, o'rta maxsus va professional ta'lim muassasalarida faoliyat yuritayotgan barcha xorijiy tillar o'qituvchilari kamida huddi shu darajadagi milliy yoki unga tenglashtirilgan mos darajadagi xalqaro sertifikatga ega bo'lishi lozim.

G'olibjon MO'YDINOV, tuman adliya bo'limi yuridik xizmat ko'rsatish markazi bosh yuristkonsulti.

